



Ազատությունը: Հայրենիքի ազատությունը... Անկախ ապրելու նրա իրավունքը... Նրա ուսնահարված իրավունքների պաշտպանությունը: Այդ արժեքներն էին դավանում նրանք: Ու հանուն այդ արժեքների ելան պայքարի անձնուրաց, ինքնամոռաց պայքարի...

Սկիզբը 88-ին էր: Ազգային ինքնագիտակցության զարթոնքը պաշտպանել էր պետք: Գարավոր բշտամուց պաշտպանվել, ինքնահաստատվել էր պետք: Ու հենց այդ նպատակին էր հետամուտ ՆԳ նախարարությանն առընթեր Հատուկ գունդ ստեղծելու մասին որոշումը: Գնդի առջև դրվելիք խնդիրներն էին ներքին կարգուկանոն հաստատել (խառնաշփոթի համընդհանուր մթնոլորտում կարելու նախապայման էր այդ), տարերային ազդեցության դեպքում փրկարարական աշխատանքներ կազմակերպել (դեռ բարձր էր երկրաշարժի հիշողությունը), կազմակերպված հանցավորության, կոռուպցիայի դեմ պայքարել, պաշտպանել ՀՀ ներքին եւ արտաքին սահմանները: Ու սեպտեմբերի 20-ը ամբողջվեց իբրև Հատուկ գնդի ծննդյան օր: Հրամանատար Նշանակվեց գեղապետ Սերգեյ Առաքելյանը, շտաբի պետ Ֆելիքս (Ռաֆիկ) Գոդոյանը: Չորսամսի կամիսարն էր Սենիկ Պողոսյանը (Քեոի), քիմիկների պետ Վաչագան Չիրուխյանը, սպատակներու շտաբի գծով տեղակալ Կոստան Կոստանյանը: 26 վաշտեր էին ընդգրկված գնդի կազմում: 1990թ. հոկտեմբերի 5-ին Հատուկ գունդը հանդիսավոր երդում տվեց ու եռագույնը որպես առաջնորդ ունենալով վաշտերը մեկնեցին սահմանամերձ գոտիներ մարտական խնդիրներ կատարելու... Երասխավան... Կոտեիծոր... Նոյնները... Այնուհետև՝ Լեռնային Դարաբաղ... 1991թ. հունիսին երկու օրով Ջիվան Արտականյանի հրամանատարությամբ մեկնեցին Շահումյանի շրջան: Նույն ամսին ինքնապաշտպանական մարտերի ժամանակ, խորհրդային զինված ուժերին դիմակայելիս, երկու մարտական ընկերների հետ՝ (Վարդան Տերտերյան, Նիկոլայ Հայրապետյան) գոհվեց Ջիվան Արտականյանը:

ՀԱՏՈՒԿ ԳՆԴԻՉ՝ ԹԱՄԱՆՅԱՆ ԴԻՎԻԶԻԱՅԻ ԱՆՎԱՆ



... Պատմում է գնդի հրամանատարի տեղակալ, փոխգնդապետ Գեորգ Գեորգյանը ու ափսոսանքով, թախիծով է լցվում հայացքը: Բայց եւ, մի տեսակ, հպարտությամբ է շեշտում, որ Ջիվան Արտականյանը միակ ազգային հերոսն է գործող բանակից... 1991-ից Հատուկ գնդի վաշտերը մասնակցել են ՀՀ եւ ԼՂՀ բոլոր մարտական գործողություններին: 1991թ. Գունդը վերանվանվեց պարեկապահակազորային ծառայության հատուկ գունդ (հրամանատար Աշոտ Պետրոսյան): 1992-ին սահմանապահ 002 հատուկ գունդ (սահմանապահ գործերը ստեղծվեցին հենց այս բազայի վրա): Հրամանատարն արդեն գնդապետ Վոլոդյա Կարապետյանն էր. նույն թվի հուլիսին գոհվեց Մարտակերտի Մատաղիս գյուղի մոտ ծավալված մարտերի ժամանակ (հետմահու պարգևատրվել է ՀՀ Մարտական խաչ եւ ԼՂՀ Մարտական խաչ երկրորդ աստիճանի շքանշաններով): Գունդը մասնակցեց Մարտակերտի պաշտպանության եւ Կիչան-Սրխավենդի ազատագրման ծանր մարտերին: 1993-ին վերանվանվելով ՀՀ ՊՆ-ի առանձին մոտոհրամազային հատուկ գունդ, մայրը Գուրգեն (Գագիկ) Մելքոնյանի հրամանատարությամբ մասնակցում էր հիմնականում Կու-

բաթլուի, Չարայիլի, Չանգեյանի շրջանների ազատագրմանը: 1994թ. մարտին գունդը մասնակցում է Օմարի լեռնանցքի հետգրավմանը, Քելբաջարի պաշտպանության մարտերին, իսկ մինչեւ 1997թ. դեկտեմբերի վերջը պաշտպանում էր Օմարի լեռնանցքը: 1995-ից գնդի հրամանատարն էր գնդապետ Համլետ Հովհաննիսյանը, այնուհետև փոխգնդապետ Ալբերտ Գալստյանը: 2000-ի հունիսից գնդի հրամանատարն է Գարեգին Գաբրիելյանը: Անգնահատելի է Հատուկ գնդի դերը Հայոց Բանակի ստեղծման գործում: Նա դարձավ այն հիմնաքարը, որի վրա պիտի բարձրանար հաղթող Բանակի սյունը. Հատուկ գնդի վաշտերի բազայի վրա ստեղծվեցին մյուս ստորաբաժանումները: Ի դեպ, 1992-ից զորամասը համալրվում էր պարտադիր զինծառայություն անցնող զինակոչիկներով: Հատուկ գունդը նաեւ մեծ թվով որակյալ սպայական կադրեր տվեց Բանակին: Սյապես ծնվեց ու կայացավ Հայոց Բանակը: Կայացավ ու առաքելություն ստանձնեց պաշտպանել Անկախությունը հայոց: Գնդի հուշամատյաններում գրանցված են 172 սպաների ու զինվորների անուններ.

- Նրանք ընկան՝ պաշտպանելով մեր անկախությունը... 120 հատուկգնդեցիներ արժանացել են տարբեր պարգևներին... Բոլոր հատուկգնդեցիները պարծանքով են արտասանում Ջիվան Արտականյան անունը... Երբ խնդրեցի պատմել, հուզվեց փոխգնդապետ Գեորգ Գաբրիելյանը. - Ո՞ր մեկին հիշես... բոլորին էլ ծանաչել եմ, բոլորի գործերն էլ արժանի են բարձրագույն գնահատականի... Նրանց սխրանքը լեզունդ է եւ վազերագվել է գրքով («Նվիրյալները»... Սամվել Եղիազարյան, «Հատուկ գունդ»... Մելանյա Պետրոսյան)...) Նրանց սխրանքը հերոսապատում է, շարունակություն այլ հերոսապատումի: Գնդի 11-ամյա հորեյանին սեպտեմբերի 20-ին Հատուկ գունդը վերանվանվեց 89-րդ Թամանյան դիվիզիայի անվան հատուկ հրամազային գունդ... - 1941-ին, երբ կազմավորվեց Թամանյան դիվիզիան, օրհասի մեջ էր հայրենիքը: Ու 1990-ին էլ նույն օրհասն էր սպառնում հայրենի երկրին, - ասում է հրամանատարի դաստիարակչական գծով տեղակալ, մայրը Գեորգի Հայրապետյանը: - Ու պատահական չէր, որ հենց նրան հանձնվեց լեզունդար դիվիզիայի դրոշը... Գնդի մուտքի մոտ Թամանյան դիվիզիայի ու Հատուկ գնդի անցած մարտական ուղիների քարտեզներն են, մեջտեղում խորհրդանիշ դարձած Հայոց զինանշանը երկու դրոշներով Հատուկ գնդի եռագույնն ու Թամանյանների մինչեւ Բեռլին հասած դրոշը: Հպարտ է գնդի հրամանատար, գնդապետ Գարեգին Գաբրիելյանը: Սակայն միայն հպարտությունը չէ պատասխանատվությունն էլ բնականորեն մեծանում է: Մանավանդ եթե նշանաբանը է. - Առաջինը լինել գյուղում, բայց ոչ երկրորդը քաղաքում: Զինվորական իրավունք չունի աշխատանքում թերանալ կամ սխալ թույլ տալ: Ի վերջո, տուժում է ոչ թե մեկը, այլ զորամասն ամբողջությամբ: Տուժում է հայրենիքը: Հետեւաբար հրամանատարը սխալվելու իրավունք չունի: Ի դեպ, գնդապետ Գաբրիելյանը 1979թ. ընդունվել է 1983-ին ավարտել է Բաքվի բարձրագույն ռազմական ուսումնարանը: Ծառայել է տարբեր վայրերում եւ 1992թ.-ից արդեն Հայոց Բանակում: Եղել է Վարդենիսի զինվորական պարետ, հետո գնդի հրամանատար: 1995-2000թթ. ներքին գործերում եղել է գնդի հրամանատար եւ 2000թ. հունիսից Հատուկ գնդի հրամանատար: Հայրենիքը նրա համար տունն է, ընտանիքը, ծնողները, զավակները երկիրը: Սակայն - Երբ կարոտում ես հայրենիքիդ, նոր միայն հասկանում ես՝ ինչ է այդ: Սպայի պատիվը նրա համար նամուսն է, արժանապատվությունը... - Սպան պիտի նամուս, արժանապատվություն ունենա եւ «պա-

տիվ ունենա» արտահայտությունն էլ գնահատի ըստ արժանվուն: Դա հանուն հայրենիքի պայքարելն է, նրա համար ամեն ինչ զոհելու կարողությունը: Սպան մենակ զինվորին չէ, որ պիտի օրհնակ տա, այլեւ իր շրջապատում՝ յուրաքանչյուրին: Նրա վեհությունը պիտի ամենուր ակնհայտ լինի... Մեր բանակում շատ են լավ սպաները, - մի տեսակ թախիծով է ասում այդ բառերը՝ երեւի հիշելով նրանց, ովքեր այլեւս չկան... - Ուրիշ ազգերը դրան չէին դիմանա, իսկ նրանք դիմակայեցին անասելի դժվարությունների կյանք-ն քահելներ՝ հանուն հայրենիքի... Գիտե՞ին՝ ուր են գնում... Հենց դա է սպայի պատիվը: Հայ սպան միշտ էլ յուրահատուկ է եղել... ու պիտի շարունակի մնալ այդպիսին: Հայ զինվորն էլ: Անգամ փողոցում, տրանսպորտում պիտի երեւա նրա յուրահատուկ լինելը: Պիտի հասնենք նրան, որ ազգը սպային ըստ արժանվուն հարգի... ... Խուսափեց գնահատականներից. - Ես միայն կանոնադրության հետ կարող եմ համեմատել եւ ըստ այդմ գնահատել: Կգնահատեմ բավարար... Բավարար՝ զոնե ռեալ «4» գնահատականի համար: Իսկ ընդհանուր առմամբ՝ մենք պարտավոր ենք միշտ պատկաստ լինել դիմակայել հակառակորդին եւ միշտ լինել առաջին գունդը... որ ժողովուրդը խաղաղ ապրի... Իսկ դրա համար հարկ է, որ զինվորի կենցաղային պայմանները, հանգիստը, սնունդը համապատասխան ծեղով կազմակերպվեն... Ի վերջո, ինչպես հաստատում է հրամանատարը, զորամասը զինվորի երկու տարվա տունն է, ընտանիքը, ու նա պիտի հպարտությամբ հիշի այդ: Ու հրամանատարն էլ պիտի օրհնակ տա իր անձով: Սպան կեցվածքով պիտի վաստակի պատիվը, եւ վաստակած պատվով դաստիարակի զինվորին: - Ես օր մենակ զինվորից չէ, հրամանատարից էլ շատ բան է կախված, ազգից էլ: Շատ բան փոխվել է դեպի լավը, բայց է՛լ ավելի լավ պիտի լինի: Ես օր սխալվելու իրավունք չունենք: Ցեղասպանությունը մեր սխալների արդյունքն էր: Պարծենալու բան չէ այդ, այլ նախատիք... Ունենալիք հզոր բանակ, չէր լինի 15 թիվը, պետականություն կունենալիք, հզոր երկիր կլինեիք: Զինվորի մեջ պիտի դաստիարակվել այդ... նա կհասկանա, կընկալի... Մեր խնդիրը հայրենիքի իսկական պաշտպաններ դաստիարակելն է: Ու նա պիտի ծանաչի իր անցյալը, նրա սխալները՝ հետագայում դրանք չկրկնելու համար: ... Սի հետաքրքիր առանձնահատկությունն էս. գնդի գրադարանում ուշադրությունս գրավեցին հանրակրթական դպրոցի նոր ուսումնական ծրագրերի դասագրքերը: Դաստիարակչական գծով տեղակալ մայրը Հայրապետյանը բացատրեց. - Ուսուցիչների ենք հրավիրել, որ շարաթ-կիրակի օրերին դասընթացներ անցկացնեն ութամյա եւ թերի կրթություն ստացած երիտասարդների հետ (մոտ 35%-ը այդպես է զորակոչվում): Հայ զինվորը պիտի կրթված լինի: Ու նրանք զորացրվում են՝ ունենալով տասնամյա կրթության վկայական... Ծրագիրն առայժմ փորձնական է (ի դեպ միակը), որ իրականացվում է «Բարիկ-Ա» բարեգործական հասարակական կազմակերպության հետ համատեղ: Հարուստ է տասնմեկամյա զորամասի կենսագրությունը, ու ասելիքն էլ այնքան շատ է, որ պարզապես անհնար է մեկ օրում թերթել նրա փառքի ու հպարտության բոլոր էջերը: Կերջին մեկ տարին էլ շատ բան է ավելացրել... Ու երեւի այդպես էլ պիտի լինեի. Հատուկ գունդը առանձնահատուկ պիտի լինեի, եւ 89-րդ Թամանյան դիվիզիայի պատվավոր անվան արժանանալը լավագույն գնահատականն է նրա կենսուղու: